

使交集
吳太史遺稿

全

新刊
吳太史遺稿

PDG

吳興劉氏
嘉業堂刊

使交集序

古人之詩其得於幽憂怨悱者爲多然古人教人之詩則不止如是而已觀於朝廟以迄鄉野工之所歌□□□□□□□□讀鹿鳴四牡皇華三篇記所云宵雅肄三官其始者是已何況膺上第坐中禁結聖主之知言論風采傾動左右啣恩命涉踰萬里奉宣指意領率其王向闕稽顙誦漢恩德無窮已哉當是時縱復荆榛冥鬱籐盤笙秀飛鳶跼墮於水中狼人寄宿於樹表不以嗟道路之難其懷思爲何等也今天子御極三載化洽方區自累譯所未通無有不享不王者而安南國實來請封翰林吳長庚先生首充詔使楊柳

雨雪仗節還 朝手出一編名使交集蓋從發都門以
至木龍洞之作其間或敘厯山川或留連謠俗或憑眺
往蹟或陳切時懷悉符風雅奧而彌揚洵輶車之采烈
宏城郭之方聞者已昔雞林相國輒能辨元白詩暹羅
國王使人上書請得師事蕭夫子彼固有人知嚮中國
重文章如此而笮都王唐叢又嘗自作四言歌以明臣
僕今皆不能及已然風俗以人移易旣同文之教不限
華裔王程紀詠流播彼中吾安知其不頓臻於此耶跡
是言之風南越而盛千金之歸裝下牂牁而前太守之
負弩何足奇已

康熙丁未小春年家眷弟禹航嚴沆頓首題

使交集序

昔者司馬子長浮湘漢東探禹穴而文益奇揚子雲旣
窺石室之秘復齋油素從諸郡國計吏詢記宇內阨塞
形勝風物是知文章有藉於山川之助而大儒命世類
必代輶軒以廣諮度宏其經方致遠之資也漢唐以後
幅幘日闢荒服者來貢繇是幽遐如夜郎崇山間留名
流嘯詠然皆戚戚去國懷沙淚竹之悲千古惜其遭逢
至於館閣侍從膺特簡以使絕域持節宣化冠佩雍
都於焉揆鴻藻發轡文紀勝宣懷與江山相輝映蓋曠
代爲僅覩矣余偕長庚前輩生同開同學兩同舉下帷
相摩以及旅亭酬和素稱同調比余步後塵於史館時

長庚政拜南交之

命使軺所至泛三湘望九嶷南邁

槎江勾漏所歷靈巖遂壑晦明風雨之變與夫卉服雕
題聞見之異紀行有使交之刻神思蕭朗風格道上雖
無境不臻無奇不剖而矩矱高古擷漢魏開寶之菁華
五言古體則神似康樂上逼東阿歌行具少陵之沉雄
與隴坂劍門諸作爭馳律體合右丞常侍爲一人不涉
大庾以後備得扶輿磊砢之槩迨其留連北闕悱惻殊
方忠愛盜溢更爾一唱三歎可告採風矣今夫使粵諭
巴前賢之偉蹟迺陸大夫歸以車騎遊讌自樂而長卿
檄蜀後侈心封禪識者疑其導諛長庚萬里壯游平生
亮節越裳裔徼得見中朝第一流而泊然中有以自守

味其言冷乎如秋暘乎如濯肅肅乎如在空山飄邈如
絳霄白雲可望而不可卽冰心玉壺宛對江上青峯豈
特漱芳含腴有功於風雅漾英於川嶽也哉讀茲集者
亦可以知吾黨心期抑於是乎閎遠矣

康熙六年歲次丁未季冬朔日年眷弟嚴我斯題於武
林邸舍

太史長庚公傳

公諱光字迪前誕生時太孺人夢一白袷老叟策杖而前曰我長庚星也因號長庚幼而穎悟授經史過卽成誦八歲能賦詩髫年受知于陸魯瞻刺史益自奮勵誦讀不輟李庚生督學至吳興奇其才首擢食餼甲午領鄉薦發憤下帷如諸生時太孺人病或不起侍湯藥每雞鳴輒禮斗請折已算以延母壽誠孝所格篤癰爲愈辛丑成進士廷對第三人居史館慨然以天下爲己任曰我受朝廷知遇必思所以圖報癸卯御試館元甲辰分校禮闈拔其尤皆蔚然知名士試事甫竣卽膺賜卹安南之命炎暑就道屆冬過粵其間踰崇山厯

鬼門關跋涉風霜瘴厲中抵其國交人不知體統宣
詔之時先進儀注問受卹之禮公正色語曰 天朝自
有定制當南面宣讀爾君長率各部曲北向以聽典禮
具在也彼目懾久之有以利害之說動者公曰使臣銜
命而來此身已許國矣于時南交之眾悚然敬憚卒如
禮而罷交人例有餽物概却不受或以紙素乞留題公
拒之曰職居奉使與陪臣詠歌贈答非所以示重且越
境無私交謝弗與通其克持大節不辱 君命如此使
旋聞太孺人辭世竭蹶奔喪勞悴哀毀服闋以病 予
假庚戌補原官奉 命纂修孝經衍義闡揚本旨引據
百家凡六經諸史咸旁搜廣輯出自己裁積勞成疾所

繇來矣公配丁孺人未遇時備嘗困苦孺人棄世公念
糟糠之情誓不復娶聞者咸爲感歎諸父來許先生身
歿無嗣爲經營後事盡力盡禮舜舉先生家最貧公賃
宅以居分祿以贍使得遂吟嘯之志妹倩王子超幼而
失怙就學甥館公手授經義不稍憚煩辛丑同舉進士
歿後撫其二子爲己子卯翼倍至其長子應詒已賦采
芹皆教育之力也故舊相見無分今昔凡歲時伏臘往
來酬酢無貴賤必盡歡執禮甚恭故聞公之訃者里人
無論知與不知莫不呼天而爲之歎息也易簀時語親
知曰我心自定了無襍念盥手端坐而逝嗚呼非慧心
人兼有定力其能至此哉

賜進士及第奉直大夫翰林院侍讀學士年弟李仙根
拜撰

臣等謹將李仙根等進士及第奉直大夫翰林院侍讀學士年弟李仙根
拜撰

使交集

吳興叢書

歸安吳 光長庚氏著

奉使安南出都別館中諸年丈

天書朝捧鳳凰城把袂題詩壯我行敢擬張騫通博望
寧如嚴助出承明戍樓煙合津帆遠嶺嶂雲連驛樹平
去到衡陽無過雁遙思京國共含情

其二

幾載過從鄴下才將離折柳獨徘徊門花底長聯珮
燕市風前數舉杯一統自依朱鳥外諸蠻期擁白狼來
天南夜倚三辰望賸有文星接上台

潞河舟中

鳴榔潞河曲從此數王程
漁網煙中市烏檣柳外營
天依春草盡風動夕波明
翹首金莖遠深瞻北斗橫

河西務

一水梯航道千帆入望遙
乾坤元北極江海接南條
殘日昏樓角明霞曳樹腰
青帘津郭外浩蕩客愁消

至日舟中作

遲日征蓬遠佳辰思緒繁
水光清眾木暝色澹千村
刈麥看生事圓荷憶故園
南風臨解帶且復滌煩喧

天津

天漢朝宗地偏通使客槎
野昏津渡樹樓出海門霞
芻輓雄三輔舟鮫雜萬家
憑高還騁望咫尺向京華

楊柳青

垂楊處處接前汀
此地偏名楊柳青
望裏何人不腸斷
白雲蒼霧又孤亭

其二

江上人家柳色多
畫艘煙雨共婆娑
渡頭更惱江南客
仍遣長條蘸碧波

流河驛

驛岸平連水官橋遠聚船
天高雙鳥外雲細一帆前
野艦依波荇居人采渚蓮
清吟樽有綠會遣百憂牽

舟中卽事

芳草迎舷近疎林卷幔遲
川雲無定所夏日易爲姿
白

水鷗輕沒青天虹半垂蒼茫愁迥眺行客故多思

滄州

勝槩幽滄舊名城渤海涯斷雲當古壘喬木映清湄供
億連舟艦鹽官仰度支神州襟帶地極望轉逶迤

偶成

杳杳過帆直泠泠放溜虛靜看水木趣暫覺俗塵疎陶
令元耽酒虞卿喜著書吟蟬高樹裏清憶五湖廬

月

津亭野色夕霏微新月娟娟明遠磯萬里關河銀漢隔
百年身世玉琴違波間光動黿鼉隱林外風清烏鵲稀
此際故園愁悵望夜涼蘿薜映山扉

舟過歷亭諸友留飲竟日率賦

曩我同心友邂逅歷亭郭
脂轄留彌旬斗酒共行樂
班荆道懽故望林感遊昨
義至無欸言情深動寥廓
長筵羅庶羞觥斝互交錯
齊謳發妍唱哀箏時間作
白雲停曾阜明霞綺高閣
茂樹識鳥歸清渠俯魚躍
景延坐屢遷起視河星落
萍蓬何定根茝蘭有終託
願言曷所敦交親誼匪薄

臨清

十年頻歷地暑月更維艚
雲宿千家白風迴萬柳青
水光涵遠閣鳥影度空汀
日暮聞樓笛離心不可聽

聊城懷古

高城隱隱暗煙霧樓閣空濛接川樹弔古長懷魯仲連
居人猶指飛書處聊城城下悲風稠燕將咤叱燕軍愁
紛紛戈騎徒滿野尺書朝達城夕下智勇由來重片辭
縱橫捭闔何爲者他時救趙却彊秦功成辭賞還拂巾
九州以內無此人千載浩浩獨見君高名合沓摧山嶽
翛然海鶴誰能馴踟躕歎息先生去萬里白雲空蒼旻

東阿懷曹子建

勝地陳王舊馮高思未休池臺餘草蔓詞賦恨山丘月
小青齊樹天平汶泗流千秋徒往跡搖落迥含愁

挂劍臺

沆瀣乾坤內結交良獨難杯酒託久要倏忽輕波瀾延